

ODLUKU
O POSTUPKU, KRITERIJIMA ZA IZBOR I
IMENOVANJE, RAZLOZIMA I PROCEDURAMA ZA
RAZRJEŠENJE I SUSPENZIJU UPRAVNOG ODBORA,
NADZORNOG ODBORA I DIREKTORA JAVNE
USTANOVE INSTITUT ZA RAZVOJ
PREDUNIVERZITETSKOG OBRAZOVANJA
KANTONA SARAJEVO

I. OSNOVNE ODREDBE

Član 1.
(Predmet)

Ovom odlukom utvrđuju se postupak, kriteriji za izbor i imenovanje, razlozi i procedure za razrješenje i suspenziju Upravnog odbora, Nadzornog odbora i direktora Javne ustanove Institut za razvoj preduniverzitetskog obrazovanja Kantona Sarajevo (u daljem tekstu: Institut), te druga relevantna pitanja.

II. IZBOR, IMENOVANJE I RAZRJEŠENJE
PREDSJEDNIKA I ČLANOVA UPRAVNOG I
NADZORNOG ODBORA

Odjeljak A - Izbor i imenovanje

Član 2.

(Opći i posebni uslovi za izbor predsjednika i članova Upravnog i Nadzornog odbora)

- (1) Za predsjednika i člana Upravnog i Nadzornog odbora Instituta može biti imenovan kandidat koji ispunjava sljedeće opće i posebne uslove.
- (2) Opći uslovi iz stava (1) ovog člana su:
 - a) da je kandidat stariji od 18 godina;
 - b) da je kandidat državljanin Bosne i Hercegovine;
 - c) da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od prethodne tri godine od dana objavljivanja upražnjene pozicije;
 - d) da kandidat nije osuđivan za krivično djelo i za privredni prijestup nespojiv sa obavljanjem dužnosti predsjednika i člana Upravnog i Nadzornog odbora;
 - e) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13).
- (3) Posebni uslovi iz stava (1) ovog člana su:
 - a) da kandidat posjeduje univerzitetsku diplomu, odnosno da ima završen najmanje VII stepen stručne spreme ili završen najmanje drugi ciklus bolonjskog visokoobrazovnog procesa;
 - b) da ima najmanje pet godina radnog staža nakon sticanja univerzitetske diplome;
 - c) da kandidat nema privatni finansijski interes u Institutu u smislu Zakona o sukobu interesa u organima vlasti u Federaciji Bosne i Hercegovine;
 - d) da kandidat nije direktor Instituta;
 - e) da kandidat nije član više od jednog upravnog ili nadzornog odbora;
 - f) da kandidat ima status radnika/stručnog radnika na neodređeno vrijeme u Institutu - za kandidate koji

apliciraju ispred te strukture u Upravnom/Nadzornom odboru.

Član 3.
(Upravni odbor)

- (1) Upravni odbor Instituta (u daljem tekstu: Upravni odbor) broji pet članova, i to:
 - a) tri člana, od kojih je jedan predsjednik, koja predlaže Ministarstvo za odgoj i obrazovanje Kantona Sarajevo (u daljem tekstu: Ministarstvo),
 - b) jedan predstavnik iz reda radnika Instituta i
 - c) jedan član kojeg predlaže Ministarstvo za nauku, visoko obrazovanje i mlade Kantona Sarajevo.
- (2) Predsjednika i članove Upravnog odbora u skladu sa odgovarajućim odredbama Zakona o ministarskim, vladinim i drugim imenovanjima Federacije Bosne i Hercegovine, nakon provedene procedure javnog oglašavanja upražnjenih pozicija, imenuje i razrješava Vlada Kantona Sarajevo (u daljem tekstu: Vlada), na prijedlog Ministarstva.
- (3) Mandat članova Upravnog odbora je četiri godine s mogućnošću jednog reizbora, a mandat člana teče od dana konstituisanja Upravnog odbora.
- (4) U slučaju kada Upravni odbor nije imenovan, odnosno kada nastupe okolnosti prijevremenog razrješenja, Vlada imenuje vršioce dužnosti predsjednika i članova Upravnog odbora u skladu sa Zakonom o ustanovama ("Službeni list R BiH", broj 06/92, 08/93 i 13/94).
- (5) Na odluku Vlade iz stava (2) i (4) nije dopuštena žalba, ali se može pokrenuti upravni spor u roku od 30 dana od dana dostavljanja odluke.

Član 4.
(Nadzorni odbor)

- (1) Nadzorni odbor Instituta (u daljem tekstu: Nadzorni odbor) broji tri člana, i to:
 - a) predsjednik kojeg predlaže Ministarstvo,
 - b) jedan član iz reda stručnih radnika zaposlenih u Institutu i
 - c) jedan član kojeg predlaže Ministarstvo za nauku, visoko obrazovanje i mlade Kantona Sarajevo.
- (2) Predsjednika i članove Nadzornog odbora u skladu sa Zakonom o ministarskim, vladinim i drugim imenovanjima Federacije Bosne i Hercegovine, nakon provedene procedure javnog oglašavanja upražnjenih pozicija, imenuje i razrješava Vlada, na prijedlog Ministarstva.
- (3) Mandat članova Nadzornog odbora je četiri godine s mogućnošću jednog reizbora, a mandat člana teče od dana konstituisanja Nadzornog odbora.
- (4) U slučaju kada Nadzorni odbor nije imenovan, odnosno kada nastupe okolnosti prijevremenog razrješenja, Vlada imenuje vršioce dužnosti predsjednika i članova Nadzornog odbora u skladu sa zakonom.
- (5) Na odluku Vlade iz stava (2) i (4) nije dopuštena žalba, ali se može pokrenuti upravni spor u roku od 30 dana od dana dostavljanja odluke.

Član 5.
(Prava i obaveze predsjednika i članova Upravnog i Nadzornog odbora)

Prava i obaveze predsjednika i članova Upravnog i Nadzornog odbora definisane su Zakonom o ustanovama i drugim relevantnim zakonskim i podzakonskim propisima, te Pravilima Instituta.

Član 6.

(Javni oglas i postupak izbora i imenovanja predsjednika i članova Upravnog i Nadzornog odbora)

- (1) U skladu sa zakonom i uslovima propisanim u članu 2. ove odluke, Ministarstvo objavljuje javni oglas za izbor i imenovanje predsjednika i članova Upravnog i Nadzornog odbora.
- (2) Javni oglas se objavljuje u "Službenim novinama Federacije BiH" i u jednom dnevnom listu, te na službenoj internet stranici Ministarstva.
- (3) Javni oglas se raspisuje obavezno 90 dana prije isteka mandata, a po potrebi i češće (popuna upražnjenih pozicija). Rok za prijavu na Javni oglas ne može biti kraći od 15 dana od dana raspisivanja.
- (4) Kandidati za predsjednika i člana Upravnog odnosno Nadzornog odbora podnose prijavu na javni oglas na prijavnom obrascu čiji sadržaj i oblik propisuje Ministarstvo.
- (5) Komisiju za izbor predsjednika i članova Upravnog i Nadzornog odbora od pet članova imenuje rješenjem Vlada na prijedlog Ministarstva.
- (6) Rješenjem Vlade o imenovanju Komisije za provođenje javnog oglasa preciznije će se uređiti i prava i obaveze Komisije.

Član 7.

(Konstituirajuća sjednica Upravnog i Nadzornog odbora)

- (1) Kandidat koji je imenovan za predsjednika Upravnog odnosno Nadzornog odbora obavezan je sazvati konstituirajuću sjednicu Upravnog odnosno Nadzornog odbora najkasnije sedam dana od dana dostavljanja rješenja o imenovanju.
- (2) Upravni i Nadzorni odbor na konstituirajućoj sjednici usvaja poslovnik o radu kojim se preciznije uređuju sva pitanja značajna za nesmetano i zakonito izvršavanje poslova i zadataka iz njihove nadležnosti.

Odjeljak B - Razrješenje

Član 8.

(Prestanak članstva u Upravnom i Nadzornom odboru)

Članstvo u Upravnom, odnosno Nadzornom odboru može prestati u slijedećim slučajevima:

- a) istekom mandatnog perioda;
- b) kada član Upravnog ili Nadzornog odbora podnese ostavku odnosno zahtjev za prekid učešća u radu odbora;
- c) ukoliko se radi o radniku/stručnom radniku zaposlenom u Institutu, u slučaju prestanka radnog odnosa;
- d) kada Ministarstvo ili Ministarstvo za nauku, visoko obrazovanje i mlade Kantona Sarajevo, u zavisnosti od toga kome predstavnik pripada, odluči okončati članstvo tog člana u Upravnom ili Nadzornom odboru;
- e) kada Upravni ili Nadzorni odbor procijeni, većinskim glasanjem, da član Upravnog ili Nadzornog odbora nije u stanju obavljati svoje dužnosti ili njegov angažman u Upravnom ili Nadzornom odboru ugrožava rad Upravnog ili Nadzornog odbora i
- f) ukoliko preuzeta izborna funkcija dovodi do sukoba interesa u skladu sa zakonom.

Član 9.

(Prijevremeno razrješenje predsjednika i članova Upravnog i Nadzornog odbora)

- (1) U slučaju da se u toku trajanja mandata predsjednika i članova Upravnog i Nadzornog odbora pojave razlozi zbog kojih imenovani kandidat više ne ispunjava uslove kako je to propisano ovom odlukom, isti je obavezan podnijeti ostavku na dužnost predsjednika ili člana Upravnog ili Nadzornog odbora.
- (2) Kad nastupe okolnosti iz stava (1) ovog člana, predsjednik ili član podnosi ostavku Ministarstvu, a ministar za odgoj i obrazovanje Kantona Sarajevo (u daljem tekstu: ministar) po službenoj dužnosti predlaže Vladi Kantona Sarajevo rješenje o razrješenju.
- (3) Ukoliko nastupe okolnosti iz stava (1) ovog člana, a predsjednik ili član Upravnog ili Nadzornog odbora ne podnese ostavku, ministar će po službenoj dužnosti pokrenuti postupak razrješenja.
- (4) U slučaju iz stava (2) i (3) ovog člana mandat prestaje stupanjem na snagu rješenja o razrješenju.
- (5) U slučaju da Upravni ili Nadzorni odbor ne postupi u skladu sa zakonom, a naročito ako Upravni odbor ne izvrši imenovanje direktora u skladu sa zakonom, odnosno ako Upravni odbor blagovremeno propusti podnijeti izvještaj o radu sa finansijskim poslovanjem za prethodnu godinu, ministar će po službenoj dužnosti predložiti Vladi rješenje o razrješenju.
- (6) Vlada može na prijedlog ministra razriješiti predsjednika i člana Upravnog odbora, odnosno predsjednika i člana Nadzornog odbora i prije vremena za koje je imenovan, ako utvrdi da je odgovoran za neuspješan ili nezakonit rad Instituta te ukoliko je protiv predsjednika i člana Upravnog/Nadzornog odbora potvrđena optužnica za krivična djela za koja se odredbama važećeg krivičnog zakona može izreći kazna zatvora u trajanju tri mjeseca i duže.
- (7) U slučajevima iz stava (2), (5) i (6) ovog člana ministar dostavlja Vladi pisanu informaciju kojom obrazlaže razloge za prijevremeno razrješenje predsjednika i člana Upravnog odbora, odnosno predsjednika i člana Nadzornog odbora.

**III. IZBOR, IMENOVANJE I RAZRJEŠENJE
DIREKTORA INSTITUTA**

Odjeljak A. - Izbor i imenovanje

Član 10.

(Opći i posebni uslovi za izbor i imenovanje direktora Instituta)

- (1) Za direktora Instituta može biti imenovan kandidat koji ispunjava opće i posebne uslove.
- (2) Opći uslovi iz stava (1) ovog člana su:
 - a) da je kandidat stariji od 18 godina;
 - b) da je kandidat državljanin Bosne i Hercegovine;
 - c) da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od prethodne tri godine od dana objavljivanja upražnjene pozicije;
 - d) da se na tog kandidata ne odnosi član IX tačka 1. Ustava Bosne i Hercegovine;
 - e) da kandidat nije osuđivan za krivično djelo i za privredni prijestup nespojiv sa obavljanjem dužnosti direktora;

- f) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine i Zakona o ministarskim, vladinim i drugim imenovanjima Federacije Bosne i Hercegovine.
- (3) Posebni uslovi iz stava (1) ovog člana su:
- da je kandidat stekao najmanje VII stepen stručne spreme ili ima završen najmanje drugi ciklus bolonjskog visokoobrazovnog procesa;
 - da ima najmanje 15 godina radnog staža;
 - da kandidat posjeduje iskustvo u radu na rukovodećim pozicijama;
 - da kandidat nema privatni finansijski interes u Institutu u smislu Zakona o sukobu interesa u organima vlasti u Federaciji Bosne i Hercegovine;
 - da kandidat, u trenutku podnošenja aplikacije, na upražnjenu poziciju nije član Upravnog ili Nadzornog odbora.

Član 11.

(Izbor, imenovanje i mandat direktora)

- Direktora Instituta imenuje i razrješava Upravni odbor, uz saglasnost Vlade, nakon provedene procedure javnog oglašavanja upražnjene pozicije.
- Direktor Instituta se imenuje na period od četiri godine s mogućnošću reizbora, bez ograničenja broja mandata.
- Lice kojem je Vlada odbila dati saglasnost za imenovanje, ne može na ponovnom oglasu biti izabrano i imenovano za direktora odnosno vršioca dužnosti direktora Instituta.
- Na odluku o imenovanju i razrješnju direktora dopuštena je žalba, u roku od 15 dana od dana dostavljanja odluke.
- O žalbi iz stava (5) ovog člana odlučuje Nadzorni odbor, u roku od 15 dana od dana podnošenja žalbe.
- Odluka Nadzornog odbora je konačna i protiv nje nije dopuštena žalba, ali se može pokrenuti spor u roku od 30 dana od dana dostavljanja, pred nadležnim sudom u Sarajevu.

Član 12.

(Vršilac dužnosti direktora)

- U slučaju kada direktor Instituta nije imenovan, Upravni odbor imenuje vršioca dužnosti direktora u skladu sa zakonom.
- Lice koje Upravni odbor imenuje za vršioca dužnosti mora ispunjavati opće i posebne uslove za poziciju direktora Instituta propisane normativnim okvirom i Odlukom o osnivanju Javne ustanove Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", broj 37/21), a odluku o imenovanju Upravni odbor dostavlja Ministarstvu.
- Vršilac dužnosti direktora ima sva prava i dužnosti direktora i može rukovoditi radom Instituta do imenovanja direktora, a najduže šest mjeseci od dana njegovog imenovanja.

Član 13.

(Javni oglas i postupak izbora direktora)

- Upravni odbor objavljuje javni oglas za izbor i imenovanje direktora Instituta u "Službenim novinama Federacije BiH" i u jednom dnevnom listu, te na službenoj internet stranici Instituta, Ministarstva i Ministarstva za nauku, visoko obrazovanje i mlade Kantona Sarajevo.

- Javni oglas se raspisuje obavezno 90 dana prije isteka mandata, a po potrebi i češće (prijevremeno razrješnje). Rok za prijavu na Javni oglas ne može biti kraći od 15 dana od dana raspisivanja.
- Komisiju za izbor direktora Instituta od pet članova imenuje Upravni odbor uz obavezu da u Komisiji budu imenovana najmanje dva člana koje predloži ministar i jedan član kojeg predloži ministar za nauku, visoko obrazovanje i mlade Kantona Sarajevo.

Član 14.

(Prava i obaveze članova Komisije za izbor direktora)

- Odlukom Upravnog odbora o imenovanju Komisije za provođenje procedure izbora direktora Instituta preciznije će se urediti prava i obaveze Komisije.
- Komisija iz stava (1) ovog člana je zadužena za pregledanje i utvrđivanje formalno-pravne urednosti pristiglih prijavi na javni oglas (blagovremenost i potpunost), za provođenje intervjua sa svim kandidatima koji budu ispunjavali formalne uslove objavljenog javnog oglasa, sačinjavanje rang-liste kandidata, te provođenje drugih radnji za koje je zadužena Odlukom o imenovanju.

Odjeljak B. - Razrješnje

Član 15.

(Suspenzija i prijevremeno razrješnje direktora)

- U slučaju da se u toku trajanja mandata direktora Instituta pojave razlozi zbog kojih imenovani kandidat više ne ispunjava uslove kako je to propisano ovom odlukom, isti je obavezan podnijeti ostavku na dužnost.
- Kad nastupe okolnosti iz stava (1) ovog člana, direktor podnosi ostavku Upravnom odboru koji donosi odluku o razrješnju imenovanog.
- Ukoliko nastupe okolnosti iz stava (1) ovog člana, a direktor Instituta ne podnese ostavku, Upravni odbor će po službenoj dužnosti pokrenuti postupak njegovog razrješnja.
- U slučaju iz stava (2) i (3) ovog člana mandat prestaje stupanjem na snagu rješenja o razrješnju.
- U slučaju dokazanog kršenja, profesionalne nekompetentnosti ili nemarnosti, Upravni odbor obavezan je po hitnom postupku donijeti odluku o suspenziji direktora, do okončanja postupka razrješnja.
- U slučaju kada je protiv direktora potvrđena optužnica za krivična djela za koja se odredbama važećeg krivičnog zakona može izreći kazna zatvora u trajanju od tri mjeseca i duže, Upravni odbor je obavezan obavijestiti osnivača i donijeti odluku o suspenziji do okončanja postupka razrješnja.
- Upravni odbor može razriješiti direktora i prije vremena za koje je imenovan:
 - ako utvrdi da je odgovoran za neuspješan ili nezakonit rad Instituta;
 - na lični zahtjev direktora;
 - na prijedlog osnivača iz razloga navedenih u stavu (1), (5), (6) i (7) tačka a) ovog člana;
 - u drugim slučajevima utvrđenim zakonom i pravilima Instituta.
- Prijedlog za prijevremeno razrješnje direktora iz razloga navedenih u stavu (1), (5), (6) i (7) tačka a) ovog člana može podnijeti osnivač putem Ministarstva, predsjednik, odnosno član Upravnog odbora ili Nadzornog odbora.

- (9) Upravni odbor je obavezan u roku od sedam dana donijeti odluku o prijedlogu iz stava (8) ovog člana i o tome u pisanoj formi informisati podnosioca i osnivača putem Ministarstva.
- (10) Ukoliko Upravni odbor po zahtjevu osnivača ne razrješi direktora Instituta, iz razloga navedenih u stavu (1), (5), (6) i (7) tačka a) ovog člana, obavezan je u pisanoj formi informisati osnivača putem Ministarstva o razlozima neprihvatanja prijedloga.
- (11) Ministarstvo je obavežno u roku od 15 dana u pisanoj formi informisati Vladu o navedenim činjenicama, te predložiti dalje mjere s ciljem osiguranja zakonitog rada Instituta.

IV. PRELAZNE I ZAVRŠNE ODREDBE**Član 16.**

(Zabrana diskriminacije)

Prilikom utvrđivanja ili primjene ove odluke Vlada neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

Član 17.

(Usklađivanje Pravila Instituta)

Pravila Instituta moraju biti usklađena sa ovom odlukom.

Član 18.

(Čuvanje Odluke o postupku, kriterijima za izbor i imenovanje, razlozima i procedurama za razrješenje i suspenziju Upravnog odbora, Nadzornog odbora i direktora Instituta)

Odluka o postupku, kriterijima za izbor i imenovanje, razlozima i procedurama za razrješenje i suspenziju Upravnog odbora, Nadzornog odbora i direktora Instituta čuva se u evidenciji Vlade i Ministarstva.

Član 19.

(Upotreba ženskog i muškog roda)

Terminološko korištenje ženskog ili muškog roda u ovoj odluci podrazumijeva uključivanje oba roda.

Član 20.

(Stupanje na snagu)

Ova odluka stupa na snagu danom objavljivanja u "Službenim novinama Kantona Sarajevo".

Broj 02-04-40598-2/21

08. novembra 2021. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 48. sjednici održanoj 28.10.2021. godine, donijela je

RJEŠENJE**O RAZRJEŠENJU PREDSEDNIKA ŠKOLSKOG ODBORA JAVNE USTANOVE OSNOVNA MUZIČKA ŠKOLA ILIDŽA****I**

Razrješava se dužnosti predsjednik Školskog odbora Javne ustanove Osnovna muzička škola Ilidža:

1. Remzija Avdibegović, predstavnik Ministarstva.

II

Mandat predsjednika Školskog odbora iz tačke I ovog rješenja prestaje na osnovu podnesene ostavke na izabranu funkciju.

III

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-39312-20.1/21

28. oktobra 2021. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 1. i 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 93. Zakona o osnovnom odgoju i obrazovanju ("Službene novine Kantona Sarajevo", broj 23/17, 33/17, 30/19, 34/20 i 33/21), Vlada Kantona Sarajevo, na 48. sjednici održanoj 28.10.2021. godine, donijela je

RJEŠENJE**O IMENOVANJU VRŠIOCA DUŽNOSTI PREDSEDNIKA ŠKOLSKOG ODBORA JAVNE USTANOVE OSNOVNA MUZIČKA ŠKOLA ILIDŽA****I**

Za vršioca dužnosti predsjednika Školskog odbora Javne ustanove Osnovna muzička škola Ilidža, imenuje se:

1. Adnan Mahmutović, predstavnik Ministarstva.

II

Mandat vršioca dužnosti predsjednika Školskog odbora iz tačke I ovog rješenja traje do konačnog imenovanja, a najviše tri (3) mjeseca od dana imenovanja.

III

Ovo rješenje stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02-04-39312-20.2/21

28. oktobra 2021. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. stav (2) Zakona o ustanovama ("Službeni list RBiH", broj 6/92, 8/93 i 13/94) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Vlada Kantona Sarajevo, na 48. sjednici održanoj 28.10.2021. godine, donijela je

RJEŠENJE**O RAZRJEŠENJU VRŠIOCA DUŽNOSTI PREDSEDNIKA NADZORNOG ODBORA JAVNE USTANOVE "SARAJEVSKA FILHARMONIJA"****I**

Vedran Tuće razrješava se dužnosti vršioca dužnosti predsjednika Nadzornog odbora Javne ustanove "Sarajevska filharmonija" na lični zahtjev.